



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. VII. Ad quos pertineat potestas eligendi, quando Capitulates elegerunt
indignum.

[urn:nbn:de:hbz:466:1-61641](#)

§. VII.

Ad quos pertineat potestas eligendi, quando Capitulares elegérunt indignum?

In casu hujus §. vel aliqui tantum Capitulares indignum scienter elegēunt, vel omnes; si aliqui tantum, potestas elegendi penes illos remanet, pro hac vice, privatis aliis, qui in electionem indigni non consenserunt, licet numero pauciores sint, quia in his, etiam si unicus tantum esset, remanet jus Collegii *Gloss. in c. perpetuo 7. b. t. in 6.* Ita ut possint hi pauciores in tali casu vel statim, eodemque contextu, decretum electionis suū, si in ea persistant, promulgare, vel novum Scrutinium inchoare, exclusis illis, qui indignum scienter elegēunt. Si vero omnes deliquerunt indignum eligendo, potestas providendi, in Metropolitanis, & Cathedralibus Ecclesiis ad Summum Pontificem, pro eā vice, de jure antiquo devolvitur, uti & in Ecclesiis inferioribus ad eum superiorē, cuius est electum confirmare, *c. quamquam 18. b. t. in 6.* Quæ devolutio etiam sit in eo casu, quo in secunda electione delinquent, indignum eligendo, qui in prima electione non deliquerunt, cūm in tali casu etiam pœnam privationis incurram *c. bone 23. juncta Gloss. V. & non b. t.* quæ tamen pœna, nec ab his, nec ab illis incurritur, nisi subsecuta sit communis electio, ex votis male eligentium, ita ut, quamvis Scrutinium publicatum sit, pœnam tam hanc non incurram, sed ad aliud Scrutinium procedere possint, cūm verba pœnalia non loquuntur de solo Scrutinio indigni, sed de electione indigni,

ut constat etiam excitat. *Capit. perpetuo 7. b. t. in 6.* possunt tamen, si volunt, qui soli habiles sunt in tali casu eligendi Prelati, etiam illos ad coëligendum admittere, qui propter indigni electionem pro illa vice privati sunt iure eligendi, uti notat *Gloss. in c. cum Vintoniensis 25. V.* admirarent, *b. t.* Cūm privatio talis fiat in favorem dignè eligentium, cui cedere possint. Sive tamen ad hanc secundam electionem gratiosè admissi fuerint, qui propter indigni electionem pro ea vice jure eligendi privati fuerunt, sive exclusi fuerint, ad tertiam tamen electionem, si tercia facienda est, eò quod secunda effectum suum sortita non fuerit, admitti debent, ut Pontifex decidit in cit. *c. cum Vintoniensis 25. b. t.* cūm isti suspenſi non sint ab officiis, quorum actus est electio, sed jure eligendi tantum sint privati pro una vice.

§. VIII.

De Electione à Capitulo facta in discordia, concurrente postulatione; facta, partim de persona digna, partim de indigna.

Si postulatio, & electio concurrant in discordia, ita ut aliqui Capitularium v. g. eliant, alii postuleant aliquem, ut admitti possit postulatio facta de digno, rejecta electione, requiritur, ut duæ partes postulantium in postulandam consentiant, prout superiorē tit. §. 4. jam dictum, & habetur in *c. scriptum 40. b. t.* si vero indignum postulaverint duæ partes, quem ignorabant tamen indignum, eligentium vero tertia pars, vel minor etiam dignum elegerint, reprobatur tam postulatio quam electio, illa quidem,

H 2

quia